

逸周書

冊二

逸周書卷第六

晉孔晁注

周月解第五十一

時訓解第五十二

月令解第五十三

諡法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動

于黃泉陰降慘于萬物

舊脫降字据通鑑前編補

是月斗柄建子

始昏北指陽氣虧草木萌蕩

前編作不萌蕩

日月俱起于

牽牛之初右回而行月周天進一次而與日合宿

進舊作起從沈改

日行月一次而周天歷舍于十有二辰終

則復始是謂日月權輿周正歲首

舊作道沈改

數起于

時一而成于十次一爲首其義則然凡四時成歲有春夏秋冬各有孟仲季以名十有二月中氣以

著時應春三月中氣

御覽所引春三下無月字下夏秋冬並同

驚蟄春分清

明

舊作雨水春分穀雨非古法也說見下篇

夏三月中氣小滿夏至大暑秋

三月中氣處暑秋分霜降冬三月中氣小雪冬至大寒閏無中氣斗指兩辰之閒萬物春生夏長秋收冬藏天地之正四時之極不易之道夏數得天百王所同其在商湯用師于夏除民之災順天革命改正朔變服殊號一文一質示不相沿以建丑之月爲正易民之視

本亦作眡

若天時大變亦一代之

事亦越我周王致伐于商改正異械以垂三統至

於敬授民時巡狩祭享猶自夏焉

前編祭作蒸

是謂周

月以紀于政

時訓解第五十二

立春之日東風解凍又五日蟄蟲始振又五日魚
上冰風不解凍號令不行蟄蟲不振陰姦陽魚不
上冰甲冑私藏驚蟄之日獺祭魚又五日鴻鴈來
又五日草木萌動獺不祭魚國多盜賊鴻鴈不來
遠人不服草木不萌動果蔬不熟雨水之日桃始
華又五日倉庚鳴又五日鷹化為鳩桃不始華是
謂陽否倉庚不鳴臣不□主鷹不化鳩寇戎數起

古雨水在驚蟄後前漢末始易之後人遂以習見妄改古書此舊
本亦以雨水在前驚蟄在後非也今從沈正之下穀雨清明亦然
御覽作桃始不華是謂否塞又云
倉庫災倉庚不鳴即下不從上春分之日兮鳥至又五

日雷乃發聲又五日始電兮鳥不至婦人不娠雷
不發聲諸侯失民不始電君無威震

振字舊闕從御覽補失字亦舊

闕從後漢書補御覽又作電若不見即國無威振與震同

穀雨之日桐始華又五日

田鼠化爲鴛又五日虹始見桐不華歲有大寒田

鼠不化鴛國多貪殘虹不見婦人苞亂

御覽作亂色

清

明之日萍始生又五日鳴鳩拂其羽又五日戴勝

降于桑萍不生陰氣憤盈鳴鳩不拂其羽國不治

兵戴勝不降于桑政教不中

御覽作平

立夏之日蜩蟪

鳴又五日蚯蚓出又五日王瓜生螻蟪不鳴水潦

淫漫蚯蚓不出嬖奪后王瓜不生困於百姓

嬖奪后御

覽作臣奪后命又困作害

小滿之日苦菜秀又五日靡草死又五

日小暑至苦菜不秀賢人潛伏靡草不死國縱盜

賊小暑不至是謂陰慝

御覽賢作仁不死作未死縱作從慝作匿

芒種之日

螳螂生又五日鷦始鳴又五日反舌無聲螳螂不

生是謂陰息鷦不始鳴令姦壅偏反舌有聲佞人

在側夏至之日鹿角解又五日蜩始鳴又五日半

夏生鹿角不解兵革不息蝸不鳴貴臣放逸半夏

不生民多厲疾小暑之日溫風至又五日蟋蟀居

辟又五日鷹乃學習溫風不至國無寬教蟋蟀不

居辟急迫之暴鷹不學習不備戎盜御覽作溫風不至即時無緩蟋

蟀不居壁即恆急之暴鷹不學習即寇去不備大暑之日腐草化為螢又五日

土潤溽暑又五日大雨時行腐草不化為螢穀實

鮮落土潤不溽暑物不應罰大雨不時行國無恩

澤御覽作土潤不溽暑即急應之罰大雨不時行即恩不及下凡句皆有即字立秋之日涼風

至又五日白露降又五日寒蟬鳴涼風不至國無

嚴政白露不降民多邪病寒蟬不鳴人皆力爭國字

舊本無從御覽增又邪作疾又人皆作人臣藝文類聚邪作效處暑之日鷹乃祭鳥又五

日天地始肅又五日禾乃登鷹不祭鳥師旅無功

天地不肅君臣乃農不登穀暖氣為災御覽作凶白

露之日鴻鴈來又五日乎鳥歸又五日羣鳥養羞

鴻鴈不來遠人背畔乎鳥不歸室家離散羣鳥不

養羞下臣驕慢

御覽背作皆

秋分之日雷始收聲又五

日蟄蟲培戶又五日水始涸雷不始收聲諸侯淫

佚蟄蟲不培戶民靡有賴水不始涸甲蟲爲害

御覽

培作閉下同又佚作汰或洪字之訛民字舊作空圍從御覽補御覽別見一段云雷乃收聲不收聲即人民不安又云諸侯驕逸蟄

蟲培戶不培戶即邊方不寧又云人靡有賴水始涸不始涸即人多疾病又云介蟲爲害惠云此當是古本

寒露之

日鴻鴈來賓又五日爵入大水化爲蛤又五日菊

有黃華鴻鴈不來小民不服爵不入大水失時之

極菊無黃華土不稼穡霜降之日豺乃祭獸又五

日草木黃落又五日蟄蟲咸俯豺不祭獸爪牙不

良草木不黃落是爲愆陽蟄蟲不咸俯民多流亡

御覽附並作附

立冬之日水始冰又五日地始凍又五日

雉入大水爲蜃水不冰是謂陰負地不始凍咎徵

之咎雉不入大水國多淫婦

謂舊作伏從御覽改又載一段云立冬十月節水始

冰若不冰即陰之有負地始凍若不凍即災咎之徵野雞化爲蜃若不爲蜃即時多淫婦文昭案此惠氏所疑爲古本者也然避民

字雉字當出唐人所更定

小雪之日虹藏不見又五日天氣上騰

地氣下降又五日閉塞而成冬虹不藏婦不專一

天氣不上騰地氣不下降君臣相嫉不閉塞而成

冬母后淫佚大雪之日鳴鳥不鳴又五日虎始交

又五日荔挺生鳴鳥猶鳴國有訛言虎不始交將

帥不和荔挺不生卿士專權

鳴鳥雖鳴也或作鴝鵒禮記坊記作盍旦夜鳴求旦

之鳥也御覽鳴作鸛亦可通本或作鸛或作鸛皆誤猶鳴六字及將帥四字舊闕今從御覽補又荔挺不生御覽作不出惠云康成

以荔挺連讀顏之推譏之不知周書已如是

冬至之日蚯蚓結又五日麋角

解又五日水泉動蚯蚓不結君政不行麋角不解

兵甲不藏水泉不動陰不承陽小寒之日鴈北向

又五日鵲始巢又五日雉始鳴鴈不北向民不懷

主鵲不始巢國不寧雉不始鳴國大水御覽載小寒十二月節鴈

北鄉鴈不北鄉即臣不懷忠謹始巢鵲不巢即邊方大寒之日

雞始乳又五日鷺鳥厲疾又五日水澤腹堅雞不

始乳淫女亂男鷺鳥不厲國不除兵水澤不腹堅

言乃不從宋本無疾字案下但云鷺鳥不厲則上句亦本無疾字宋本是也御覽載大寒十二月中雞始乳雞不乳

即淫婦亂男鷺鳥厲疾鳥不厲疾即國不除姦水澤腹堅不腹堅即言無所從

月令解第五十三闕文昭案蔡邕明堂月令論云月令篇名因天時制人事天子發號施令祀神受職

每月異禮故謂之月令所以順陰陽奉四時効氣物行王政也成

法具備各從時月藏之明堂所以示承祖考神明明不敢泄瀆之

義故以明堂冠月令以名其篇戴禮夏小正則夏之月令也殷人

無文及周而備文義所說博衍深遠宜周公之所著也官號職司

與周官合周書七十二篇而月令第五十三秦相呂不韋著書取月令為紀號淮南王安亦取以為第四篇改名曰時則故偏見之徒或云月令呂不韋作或曰淮南皆非也又案隋書牛宏傳云今明堂月令者鄭康成云是呂不韋著春秋十二紀之首章禮家鈔合為記蔡邕王肅云周公所作周書內有月令第五十三即此也案宏以今禮記中之月令即是在周書內者故云即此與蔡邕說

相符合邕以淮南時則在第四篇今却在第五篇其文與呂氏微異邕作月令問答所云云者皆在呂氏不在淮南既蔡邕牛宏有斯二證故今卽依呂氏十二紀首鈔出以補斯闕又宏傳云堂方一百四十四尺屋圓楣徑二百一十六尺太室方六丈通天屋徑九丈八闔二十八柱堂高三尺四向五色依周書月令論案明堂之制太平御覽引周書明堂疑不在此篇中

孟春之月日在營室昏參中旦尾中其日甲乙其帝太皞其神句芒其蟲鱗其音角律中太簇其數八其味酸其臭羶其祀戶祭先脾東風解凍蟄蟲始振魚上冰獺祭魚候鴈北

記作鴈鴈來

天子居青陽

左个乘鸞輅駕蒼龍載青旂衣青衣服青玉

記作倉玉

下同食麥與羊其器疏以達是月也以立春先立春

三日太史謁之天子曰某日立春盛德在木天子

乃齊立春之日天子親率三公九卿諸侯大夫以

迎春於東郊還乃賞公卿諸侯大夫於朝

記乃字作反後並同

無諸侯二字呂氏無公字高誘注云三公至尊坐而論道不嫌不賞故但言卿諸侯大夫

命相布德和令

行慶施惠下及兆民慶賜遂行無有不當迺命太

史守典奉法司天日月星辰之行宿離不忒

記作貸音

同下

無失經紀以初爲常是月也天子乃以元日

祈穀于上帝乃擇元辰天子親載耒耜措之參于

保介之御聞

參于記倒

率三公九卿諸侯大夫躬耕帝

籍田

記無田字案呂氏上農篇亦有田字

天子三推三公五推卿諸侯

大夫九推

記無大夫

反執爵于太寢三公九卿諸侯大

夫皆御命曰勞酒是月也天氣下降地氣上騰天

地和同草木繁動

記作萌動

王布農事命田舍東郊皆

脩封疆審端經術善相丘陵阪險原隰土地所宜

五穀所殖以教道民必躬親之田事既飭先定準

直農乃不惑是月也命樂正入學習舞乃脩祭典

命祀山林川澤犧牲無用牝禁止伐木無覆巢無

殺孩蟲胎天飛鳥無羣無卵無聚大衆無置城郭

揜骼羶髀

記作埋髀音義並同

是月也不可以稱兵稱兵必有

天殃兵戎不起不可以從我始

記無以字

無變天之道

無絕地之理無亂人之紀孟春行夏令則風雨不

時草木旱槁國乃有恐

記風雨作雨水旱槁作蚤落乃作時

行秋令則

民大疫疾風暴雨數至藜莠蓬蒿並興

記民上有其字疾風作焱

風數至作總至

行冬令則水潦爲敗霜雪大摯首種不入

霜雪

記倒

仲春之月日在奎昏弧中旦建星中其日甲乙其

帝太皞其神句芒其蟲鱗其音角律中夾鍾其數

八其味酸其臭羶其祀戶祭先脾始雨水桃李華

記作桃始華

蒼庚鳴鷹化爲鳩天子居青陽太廟乘鸞

輅駕蒼龍載青旂衣青衣服青玉食麥與羊其器

疏以達是月也安萌牙養幼少存諸孤擇元日命

民社命有司省圉園去桎梏無肆掠止獄訟是月

也乎鳥至至之日以太牢祀于高禩記祀作祠天子親

往后妃率九嬪御乃禮天子所御帶以弓韉授以

弓矢于高禩之前是月也日夜分雷乃發聲始電

蟄蟲咸動啓戶始出呂氏啓戶作開戶今凡字爲漢唐人避諱改易者俱從禮記爲正先

雷三日奮鐸以令于兆民曰雷且發聲奮鐸記作奮木鐸無干字

又且作將有不戒其容止者生子不備必有凶災日夜

分則同度量鈞衡石角斗桶記作甬同正權槩是月也

耕者少舍乃脩闔扇寢廟必備記作畢備必畢古通用無作大

事以妨農功記作以妨農之事是月也無竭川澤無漉陂池

無焚山林天子乃獻羔開冰先薦寢廟獻記作鮮上丁

命樂正入舞舍采記作習舞釋菜此舍采與釋菜音義並同高誘注呂覽云舍置也初入學官必禮先

師置采帛於前以贊神也說非是

天子乃率三公九卿諸侯大夫親

往視之

呂氏無大夫

中丁又命樂正入學習樂是月也

祀不用犧牲用圭璧更皮幣仲春行秋令則其國大水寒氣總至寇戎來征行冬令則陽氣不勝麥乃不熟民多相掠行夏令則國乃大旱燠氣早來蟲螟爲害

季春之月日在胃昏七星中旦牽牛中其日甲乙其帝太皞其神句芒其蟲鱗其音角律中姑洗其數八其味酸其臭羶其祀戶祭先脾桐始華田鼠化爲鴛虹始見萍始生天子居青陽右个乘鸞輅駕蒼龍載青旂衣青衣服青玉食麥與羊其器疏以達是月也天子乃薦鞠衣于先帝命舟牧覆舟五覆五反乃告舟備具于天子焉天子焉始乘舟

薦鮪于寢廟乃為麥祈實

次焉字記無呂氏有高注云焉猶於此也淮南作鳥注又云鳥

猶安也

是月也生氣方盛陽氣發泄牙者畢出萌者

盡達不可以內

牙記與淮南作句

天子布德行惠命有司發

倉窮賜貧窮振乏絕

高注云穿地日窮記作廩

開府庫出幣帛周

天下勉諸侯聘名士禮賢者是月也命司空曰時

雨將降下水上騰循行國邑周視原野脩利隄防

導達溝瀆開通道路無有障塞田獵畢弋置罟羅

網餒獸之藥無出九門

畢弋記作畢翳

是月也命野虞無

伐桑柘鳴鳩拂其羽戴任降于桑

記作戴勝淮南作戴鷩

具挾

曲蒙筐

高注云挾讀曰撲三輔謂之撲關東謂之得曲薄也青徐謂之曲員底曰蒙方底曰筐文昭疑蒙當是簾之訛

宮一作簾或亦作簾形近致誤記作具曲植簾筐淮南作具撲曲筐筐

后妃齊戒親東鄉躬

桑禁婦女無觀省婦使勸蠶事

記勸上有以字

蠶事既登

分繭稱絲效功以共郊廟之服無有敢墮是月也

命工師令百工審五庫之量金鐵皮革筋角齒羽
箭幹脂膠丹漆無或不良百工咸理監工日號無
悖於時無或作爲淫巧以蕩上心是月之末擇吉
日大合樂天子乃率三公九卿諸侯大夫親往視
之是月也乃合羸牛騰馬游牝于牧羸記作累淮南作牦犧牲
駒犢舉書其數命國讎九門磔禳以畢春氣呂氏作國
人讎訛禳記作攘同行之是令而甘雨至三旬淮南亦有此句記無下同季春
行冬令則寒氣時發草木皆肅國有大恐行夏令
則民多疾疫時雨不降山陵不收行秋令則天多
沈陰淫雨早降兵革並起

孟夏之月日在畢昏翼中旦婺女中其日丙丁其
帝炎帝其神祝融其蟲羽其音徵律中仲呂其數
七其性禮其事視此下呂氏有其性禮其事視二句記無案餘月亦不具當爲衍文其味

苦其臭焦其祀竈祭先肺螻蛄鳴丘蚓出王瓜生

苦菜秀天子居明堂左个乘朱輅駕赤駟載赤旂

衣赤衣服赤王食菽與雞其器高以牕記作粗音義同是

月也以立夏先立夏三日太史謁之天子曰某日

立夏盛德在火天子乃齊立夏之日天子親率三

公九卿大夫以迎夏於南郊還乃行賞封侯慶賜

無不欣說封侯慶賜記作封諸侯慶賜遂行乃命樂師習合禮樂命

司馬贊傑儁遂賢良舉長大司馬呂氏春秋作太尉記亦因之世多以太尉秦官

故疑月令不出於周公今案戴埴鼠璞云太尉固秦官所命冢宰司徒司空司馬與太史樂正樂師澤人虞人四監之類皆周官也

不韋不過改周司馬為太尉耳蓋贊傑後遂賢良與行爵出祿雖非太尉之職而設儀辨位進賢與功制畿內封則大司馬之任也

云云今據此改太尉為司馬以復周公之舊行爵出祿必當其位是月也繼

長增高無有壞墮無起土功無發大衆無伐大樹

是月也天子始絺命野虞出行田原勞農勸民無